



## **Aningaasaqarnermut Naalakkersuisoq**

### **TUAVIORTOQ**

#### **Sisamanngornermi ulloq 30. december 2010 Aningaasaqarnermut Ataatsimiititaliap aalajangernera pillugu Naalakkersuisunut ilisimatitsissut – Suliaq nr. 01.31.06/10-00511**

#### **Peqqinnissaqarfimmumut ilassutitut aningaasaliissutit**

##### **Naalakkersuisut inassutigaaat**

- Konto pingaarnermi 34.11.03-mi, Dronning Ingridip Napparsimmavissua, aningaasaliissutit 5.000.000 kr.-inik amerlineqassasut.
- Konto pingaarnermi 34.11.01-imi, Napparsimasut nunani allani katsorsarneqartarnerat, timikkut nappaatit, aningaasaliissutit 6.000.000 kr.-inik amerlineqassasut.
- Konto pingaarnermi 34.12.01-imi, Najukkani peqqinnissaqarfiit, nakorsanit sullinneqarneq, aningaasaliissutit 9.600.000 kr.-inik amerlineqassasut.
- Konto pingaarnermi 34.12.02-mi, Ineriartorneq Suliassallu, aningaasaliissutit 1.000.000 kr.-inik amerlineqassasut.
- Konto pingaarnermi 34.11.04-mi, Kalaallit Peqqissartut Illuat, aningaasaliissutit 600.000 kr.-inik ikilineqassasut.
- Konto pingaarnermi 34.11.06-imi, Nappaatinut misileraalluni katsorsaaneq, aningaasaliissutit 300.000 kr.-inik ikilineqassasut.
- Konto pingaarnermi 34.12.03-mi, Ataatsimut aningaasartuutit, napparsimasunik angallassinerit, aningaasaliissutit 800.000 kr.-inik ikilineqassasut.
- 2010-mut IST-p inernera missingersuutaasoq 19.900.000 kr.-inik ajorseriartinneqassasoq.

#### **Aningaasaqarnermut Ataatsimiititaliap oqaaseqaatai**

Aningaasaqarnermut Ataatsimiititaliap ulloq 13. december 2010 ataatsimiinnermini suliassamut matumunnga isummernissani ataatsimiititaliap kinguartippaa Peqqissutsimut Naalakkersuisumik isumasioqateqaqqaarnissaq siunertaralugu.

Isumasioqatigiinneq ulloq 20. december 2010 ingerlanneqarpoq.

Isumasioqatigiinnermi Ataatsimiititaliap immikkut maluginiarppaa 2010-mi ilassutitut aningaasaliissutissatut pisariaqartitat 27 mio. kr.-iujunnaarlutik 20 mio. kr.-inngorsimasut, taamaattumillu tamanna tunngavigalugu Aningaasaqarnermut Ataatsimiititaliap

kissaatigalugu nutaamik ammut iluarsisamik pissusiviusunillu ersersitsisumik qinnuteqaateqartoqarnissaa.

Aningaasaqarnermut Ataatsimiititaliap ulloq 30. december ataatsimiinnermini qinnuteqaat nutartigaq amnullu iluarsisaq manna oqaluuseraa.

Qinnuteqaatip matuma sukumiinerusumik misissuataarneqarnerata malitsigisaanik Aningaasaqarnermut Ataatsimiititaliap ulloq 30. december 2010 Peqqissutsimut Naalakkersuisoq aappasaanik isumasioqatigeqqittariaqarsimavaa, kontumi pingaarnermi 34.11.04-mi, Kalaallit Peqqissartut Illuat, aningaasaliissutit appartinneqarnerat Naalakkersuisut isummernissaannut tunngavissiami oqaatigineqartunut naapertuutinngimmat.

Isumasioqatigiinnermi Peqqissutsimut Naalakkersuisup Naalakkersuisut isummernissaannut tunngavissiami oqaatigineqartut iluarsiiisuteqarfigai, kontumi pingaarnermi 34.11.04-mi, Kalaallit Peqqissartut Illuat aningaasaliissutit 2010-mi 600.000 kr.-inik ikilisinneqarnissaannik tunngavissaqarneranik inassuteqaammut naapertuuttunngortillugit.

Aningaasaqarnermut Ataatsimiititaliap isornartoqartippaa qinnuteqaatit nassiunneqartut pitsaassusiat eqqortunillu takutitsinissaat pisariaqartumik qularnaarneqarsimannimmata. Ataatsimiititaliap siunissami taamatut pisoqaqqinnginnissaa kaammattuutigaa.

#### **Aningaasaqarnermut Ataatsimiititaliap aalajangiinera**

Taamatut oqaaseqaateqarluni Aningaasaqarnermut Ataatsimiititaliap Naalakkersuisut inassuteqaataat **akuerai**.

Aningaasaqarnermut Ataatsimiititaliaq sinnerlugu

Naaja Nathanielsen  
Aningaasaqarnermut Ataatsimiititaliap siulittaasua